



Lescha d'agricultura

Revisiun parziala Secunda lecziun

M E S S A D I

dalla suprastanza communal a al cussegl da vischnaunca

Stimau signur president
Stimadas signuras cusseglieras
Preziai signurs cussegliers

La lescha d'agricultura actuala datescha digl onn 2006. Damai che quella lescha sco era ils contracts d'affittaziun corrispundan buca pli allas prentensiuns legalas, ha la suprastanza communal eligiu ils 5 da fevrer 2018 ina cumissiun per reveder parzialmein la lescha d'agricultura (800).

La cumissiun secumpona da representants dil cussegl da vischnaunca, dil gerau dil departament, dall'uniun purila, digl uffeci da baghegiar, digl uffeci forestal, digl uffeci cantunal da catscha e pesca, dallas Pendicularas Mustér e dall'administraziun communalala:

President: Wendelin Jacomet, *gerau*

Commembers: Clemens Berther, *gerau dil departament d'agricultura*
Armin Manetsch, *president uniun purila e cusseglier da vischnaunca*
Ervin Maissen, *uffeci da baghegiar, menader infrastruttura*
Simon Cathomen, *uffeci forestal*
Thomas Durschei, *uffeci da catscha e pesca*
Marco Schmed, *Pendicularas Mustér*
Ursina Murer-Fatzer, *actuara*

La cumissiun ha salvau sis sedutas. Signur Töni Gujan, cusseglader puril dil Plantahof ei vegnius envidaus alla seduta dils 27 da mars 2018. Cumpetentamein ha el rispundiu allas damondas dalla cumissiun. Per ulteriur sclariment ha la cumissiun giu la pusseivladad da contactar signur Pieder Vincenz digl uffeci d'agricultura e geoinformaziun, Cuera.

La lescha d'agricultura preparada per la secunda lecziun el cussegl da vischnaunca ei vegnida examinada ils 13 da fevrer 2019 entras signur Valentin Luzi digl uffeci d'agricultura e geoinformaziun a Cuera. Sebasond sin las leschas cantunales e federalas sco era la lescha da polizia en preparaziun ein entgins artechels stai previ tenor il sboz dall'emprema lecziun vegni strihai.

La cumissiun predeliberonta ha tractau la lescha a caschun da sia seduta dils 13 da mars 2019. Las midadas proponidas digl uffeci d'agricultura e geoinformaziun resp. dalla cumissiun sortan dil document surluvrau.

Ponderaziuns

La cumissiun ha tschentau las suandontas ponderaziuns e damondas:

- a) Taxaziun per la gudida da pastiras tenor **cargada normala** (Normalstoss) ed aras. Elavuraziun dils contracts d'affittaziun per romontsch sursilvan.
- b) Definiziun dils cunfins dalla cultivaziun.
- c) Reglar ils cunfins ed il ruaus dils animals.
- d) Dretg da gudiment dallas alps – basegna ei statuts per las alps?

Per levgiar la lavur dall'administraziun communalala ei la cumissiun stada dil meini ch'ei seigi d'avantatg da crear in regulativ da taxas tier la lescha d'agricultura. Entochen oz ei in tal regulativ buc avon maun.

Per il contract d'affittaziun ha la cumissiun surpriu la versiun tudestga ch'igl uffeci d'agricultura e geoinformaziun ha mess a disposiziun sin sia pagina d'internet. La cumissiun ha translatau il contract d'affittaziun el lungatg official dalla vischnaunca.

Plinavon ha la cumissiun giu il giavisch da saver evaluar ils artechels necessaris dalla lescha davart ils dis da ruaus publics (840).

Ils 20 da mars 2018 ha la suprastanza communal decidu che la cumissiun dueigi inoltrar propostas pils artechels necessaris dalla lescha davart ils dis da ruaus publics (840). Quei giavisch ei succedius entras la cumissiun en in rapport per mauns alla suprastanza communal.

La suprastanza communal preveda ina nova lescha da polizia, tenor la quala las damondas en connex cul ruaus public duein vegnir stipuladas. Ella sessiun digl uost 2018 ha il Cussegl grond tractau ed approbau la lescha da polizia cantunala. A basa dalla legislaziun cantunala sa la vischnaunca relaschar ina lescha da polizia communal. A basa dalla lescha da polizia ha la vischnaunca era la pusseivladad da relaschar multas e castitgs el cass ch'igl uorden definius enteifer la lescha da polizia vegn buca observaus.

La cumissiun per la lescha da polizia ha risguardau quella discussiun en connex cun la tractaziun dalla lescha da polizia nova. Quella lescha vegn actualmein examinada giuridicamein.

Proposta

Sebasond sin sura consideraziuns

propo na

la suprastanza communal al cussegl da vischnaunca:

1. d'approbar la revisiun parziala dalla lescha d'agricultura;
2. d'approbar il regulativ da taxas tier la lescha d'agricultura;
3. sin fundament dallas midadas previdas ella lescha d'agricultura vegnan tut ils contracts davart gudiments da pastira e d'alpegiaziun ch'ei avon maun revedi ed adattai allas prescripziuns novas;
4. da suttametter la revisiun dalla lescha d'agricultura sco era il regulativ da taxas tier la lescha d'agricultura al referendum facultativ tenor art. 21, lit. b dalla constituiun communal.

Suprastanza communal Disentis/Mustér
Il president:

Il canzlist:

Robert Cajacob

Andri Hendry

Disentis/Mustér, ils 18 da mars 2019